

**ЎЗБЕКИСТОН RESPUBLIKASI
VAZIRLAR MANKAMASINING
QARORI**



**ПОСТАНОВЛЕНИЕ
КАБИНЕТА МИНИСТРОВ
РЕСПУБЛИКИ УЗБЕКИСТАН**

« 15 » май 20 19 у.

№ 403

Toshkent sh.

Балиқ овлаш хўжаликларига табиий сув ҳавзалари участкаларини ажратиш, балиқни саноат йўли билан овлаш, балиқ овлаш хўжаликларининг табиий сув ҳавзаларидан фойдаланганлиги учун ижара тўловини ҳисоблаш ва ундириш тартиби тўғрисидаги низомга ўзгартиришлар киритиш ҳақида

Табиий сув ҳавзаларида маҳсулдорлик оширилиши эвазига балиқ овлаш хўжаликларининг манфаатдорлигини ошириш, балиқ овлаш хўжаликлари учун ижара тўловларини мақбул тарзда белгилаш заруратини ҳисобга олган ҳолда, балиқ овлаш хўжаликларига берилган табиий сув ҳавзаларидан фойдаланганлик учун ижара тўловларини ҳисоблаш ва ундириш тартибини соддалаштириш мақсадида Вазирлар Маҳкамаси қарор қилади:

1. Вазирлар Маҳкамасининг 2017 йил 7 августдаги 593-сон қарори билан тасдиқланган Балиқ овлаш хўжаликларига табиий сув ҳавзалари участкаларини ажратиш, балиқни саноат йўли билан овлаш, балиқ овлаш хўжаликларининг табиий сув ҳавзаларидан фойдаланганлиги учун ижара тўловини ҳисоблаш ва ундириш тартиби тўғрисидаги низомга иловага мувофиқ ўзгартиришлар киритилсин.

2. Ўзбекистон Республикаси Ветеринария ва чорвачиликни ривожлантириш давлат қўмитаси манфаатдор вазирликлар ва идоралар билан биргаликда ўзлари қабул қилган норматив-ҳуқуқий ҳужжатларни бир ой муддатда ушбу қарорга мувофиқлаштирсин.

3. Ушбу қарор расмий эълон қилинган кундан эътиборан уч ой ўтгач кучга киради.

4. Мазкур қарорнинг бажарилишини назорат қилиш Ўзбекистон Республикаси Бош вазирининг аграр ва озиқ-овқат соҳаларини ривожлантириш масалалари бўйича маслаҳатчиси А.Д. Вахабов ҳамда Ўзбекистон Республикаси Ветеринария ва чорвачиликни ривожлантириш давлат қўмитаси раиси Б.Т. Норқобилов зиммасига юклансин.

**Ўзбекистон Республикасининг
Бош вазири**



А. Арипов

Вазирлар Маҳкамасининг
2019 йил “ 15 ” ~~май~~ даги 403 - сон қарорига
ИЛОВА

Балиқ овлаш хўжаликларига табиий сув ҳавзалари участкаларини ажратиш, балиқни саноат йўли билан овлаш, балиқ овлаш хўжаликларининг табиий сув ҳавзаларидан фойдаланганлиги учун ижара тўловини ҳисоблаш ва ундириш тартиби тўғрисидаги низомга киритилаётган ўзгартиришлар

1. 45-банд куйидаги таҳрирда баён этилсин:

“Ижарага берилган табиий сув ҳавзаси участкалари бўйича ижара ҳақи миқдори куйидаги формула бўйича аниқланади:

$$I_x = X_1 * M_y * I_c \text{ бунда:}$$

I_x – ижара ҳақи;

X_1 – бир гектарнинг ўртача маҳсулдорлиги, кг (10 кг белгиланган ўзгармас коэффициент);

M_y – сув ҳавзаси участкасининг умумий майдони, га;

I_c – мазкур Низомга 2-иловага мувофиқ амалдаги энг кам иш ҳақи миқдорининг фоиз ставкаси, сўмда”.

2. Низомга 2-илованинг матни куйидаги таҳрирда баён этилсин:

**“Балиқ овлаш хўжаликлари томонидан тўланадиган ижара ҳақи тўловини ҳисоблашда сув ҳавзалари участкалари маҳсулдорлигига боғлиқ ҳолда қўлланиладиган ставкалар
МИҚДОРИ**

Маҳсулдорлик, га/кг	Энг кам ойлик иш ҳақи, фоиз	Ижара ҳақини ҳисоблаш формуласи
10 гача	100,0	$(10 \times 1 \times 100 \% \text{ ЭКИХ} / 100)$
10,1-30 гача	90,0	$(10 \times 1 \times 90 \% \text{ ЭКИХ} / 100)$
30,1-50 гача	80,0	$(10 \times 1 \times 80 \% \text{ ЭКИХ} / 100)$
50,1-70 гача	70,0	$(10 \times 1 \times 70 \% \text{ ЭКИХ} / 100)$
70,1-80 гача	60,0	$(10 \times 1 \times 60 \% \text{ ЭКИХ} / 100)$
80,1-90 гача	50,0	$(10 \times 1 \times 50 \% \text{ ЭКИХ} / 100)$
90,1-100 гача	40,0	$(10 \times 1 \times 40 \% \text{ ЭКИХ} / 100)$
100,1 дан юқори	30,0	$(10 \times 1 \times 30 \% \text{ ЭКИХ} / 100)$

Эслатма:

1) бир гектарнинг ўртача маҳсулдорлиги, кг (10 кг белгиланган ўзгармас коэффициент);

2) сув ҳавзаси участкасининг умумий майдони, га;

3) 1 га табиий сув ҳавзага қўлланиладиган энг кам иш ҳақи миқдорининг фоиз ставкаси;

4) энг кам ойлик иш ҳақининг (ЭКИХ) бир баравари миқдорида.

Бунда: 1 га табиий сув ҳавзасига энг юқори 100 фоизли ставка бўйича ҳисобланган ижара ҳақи энг кам ойлик ижара ҳақининг 10 фоиз миқдорида.

$$1) 10 \times 1 \times 100\% \times 202730 / 100 = 20\ 273 \text{ сўм} - 10 \text{ кг.}$$

$$2) 10 \times 1 \times 90\% \times 202730 / 100 = 18\ 246 \text{ сўм} - 30 \text{ кг.}$$

$$3) 10 \times 1 \times 80\% \times 202730 / 100 = 16\ 218 \text{ сўм} - 50 \text{ кг.}$$

$$4) 10 \times 1 \times 70\% \times 202730 / 100 = 14\ 191 \text{ сўм} - 70 \text{ кг.}$$

$$5) 10 \times 1 \times 60\% \times 202730 / 100 = 12\ 163 \text{ сўм} - 80 \text{ кг.}$$

$$6) 10 \times 1 \times 50\% \times 202730 / 100 = 10\ 136 \text{ сўм} - 90 \text{ кг.}$$

$$7) 10 \times 1 \times 40\% \times 202730 / 100 = 8\ 109 \text{ сўм} - 100 \text{ кг.}$$

$$8) 10 \times 1 \times 30\% \times 202730 / 100 = 6\ 081 \text{ сўм} - 100.1 \text{ кг. дан юқори}$$

1 га сув ҳавзага энг паст 30 фоизли ставка бўйича ҳисобланган ижара ҳақи – 6 081 сўм.

$$(10 \times 1 \times 30\% \text{ ЭКИХ} / 100) = 6\ 081$$

Изоҳ. Энг кам ойлик иш ҳақи миқдори ўзгариши билан бирга ижара ҳақи суммасининг миқдори ҳам ўзгаради”.

